



02. oktober 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. DIH tamakkiisumik ingerlasoq Naalakkersuisut qanoq isumaqartippaat? Akissut sukumiisumik tunngavilersoqquneqarpoq.**
- 2. § 37 naapertorlugu apeqqutinni 188/2018-mi apeqqutima arfineq-aappaannut akissummini Naalakkersuisut oqaatigaat, septembarip aallartisimalernerani sulisussarsiortarnermut sulisoreersullu tigummiinnartarnissaannut pilersaarusioreersimassallutik. Pilersaarut pineqartoq naammassereerpa? Taamaassimappat pilersaarut uunga allakkamut ilanngussatut nassiuteqquneqarpoq.**
- 3. § 37 naapertorlugu apeqqutinni 188/2018-mi apeqqutima aappaanut akissummi oqaatigineqarpoq sapaatip akunnerisa 37-ata kingorna naammattunik sulisoqalerumaartoq taamaattumillu napparsimasut passutassat pilersaarutaareersut kiisalu tassangaannartumik passutassaangitsut katsorsarneqarsinnaalerumaartut, tassunga atatillugu paaserusuppara, siniffiit atorunnaarnikuugaluartut atoqqilersimanersut?**
- 4. Inuit qassit inuit allattorsimaffianniippat aamma pilattaanerit imaluunniit nakorsiernerit suut pineqarpat?**
- 5. Utaqqisuni allassimasut qassiunissaat takorloorneqarpa DIH tamakkiisumik ingerlalerpat aamma pilattaanernut imaluunniit nakorsiniarnissanut utaqqisut qassiusimappat sulisunik amingaateqarnerujussuup nalaani?**
- 6. DIH-mi nakorsat aalajangersimasumik atorfillit 50-iusut akornanni qassit immikkut piginnaangorsarnikuuppat aamma taakku immikkut piginnaangorsarfigisimasatik naliginnaasumik aalluppaat?**

(Inatsisartunut ilaasortaq Malene Vahl Rasmussen, Demokraatit)

Tunngavilersuut

Peqqinnissaqarfimmi unamminartoqarpoq imaannaangitsunik. Tamanna ersersinniarnikuuara § 37 naapertorlugu apeqquteqarnikkut aamma allat pisortanit nalunaarutigineqartut.

Ilaatigut siusinnerusukkat apersuutiginiakuakka DIH-mi ilungersunartorsiorfiusumi siniffiit atorunnaarneqarnikut taakkuuppullu apeqqutit matumuuna malitseqartikkusutakka.



DEMOKRAATIT
DEMOKRATERNE

Pissutaavog maannakut sapaatip akunnerisa 37-at qimmuussimalermat, tassani Naalackersuisut naatsorsuutiginiikummassuk sulisussaaleqinerup kinguneranik ajornartorsiutaalersimasut iluarsiivigiumaarlugit taamaattumik uannut soqutiginarpoq paasissallugu pissutsit massakkorpiaq qanoq innersut.

Ullut sulliviit naliginnaasut qulit iluanni apeqqutima akineqarnissaannut qilanaarpunga.